

Igl meis da favrer 2021 ò la suprastanza communal tracto tranter oter igls affars suandonts:

Immobiglias, fatgs da santieri e da sepultura, provedimaint d'ava

- Decidia da betg antrar sen la dumonda d'interess davart la compra dalla Tgesa da gruppas Scalotta cun las dus parcelas nr. 12067 e nr. 12021, Scalotta, a Marmorera.

Fatgs generals, fatgs da persunal, economia e provedimaint d'energeia

- Delibero igl messadi da votaziun per la votaziun all'urna digl cumegn da Surses igls 21 da favrer 2021.
- Approvo la revisiun parziala digl urden da gestiun per la suprastanza communal, la direcziun da gestiun e las cumischungs ed accpeto d'introduer en manual per la collaboraziun an suprastanza communal.
- Approvo igl mossaveia er las collaboratouras ed igls collaboratours digl cumegn davart la protecziun da datas e la siertad d'informatica durant lour lavour quotidiana.
- Decidia da betg sa participar all'acziun "Tests an menaschis grischuns" cun tests da speida cunter la derasaziun digl coronavirus.
- Delibero la posiziun digl cumegn da Surses pertutgont igl plan da management digl parc natural Parc Ela 2022-2031 cun las set fegnameiras strategicas per mangs dalla radunanza da commembers dall'Uniun Parc Ela.
- Decidia da proponer Peder Plaz, cunsiglieder d'interpresas e manader da gestiun digl Forum Grischun, per l'elecziun complementara an suprastanza dall'Uniun Parc Ela, scu successour da Carmen Dedual.
- Eligia igls represchentants da cumegn per la cumischung preparatorica digl cantun an vista allas tractativas cun las Ovras electricas digl martgea da Turitg (oet) pertutgont la scadenza da concessiun resp. concessiun nova per la forza d'ava dalla Gelgia e digls uals laterals.

Turissem

- Decidia da sustignair igl Swiss Irontrail cun Savognin scu Host City per igls onns 2022 anfignen 2027.

Fatgs da construcziun, planificaziun digl territori e planisaziun locala

- Accpeto la dumonda d'en pèr indigen da cumprar ena parcella da biagier a Badogna, Cunter, cun reservaziun digl bagn immobigliar. La dumonda stò neir sottamessa per l'approvaziun alla radunanza communal.
- Approvo la posiziun dalla Regiun Alvra pertutgont l'adattaziun digl plan directiv cantunal «Abitadi» per mangs digl Uffezi per igl svilup digl territori digl cantun Grischun.
- Surdo las lavours sanitaras an connex cun la sanaziun dallas lengias d'ovra segl tschancung dalla Veia Mulegn a Rona, alla firma Cavegn SA, Savognin,.
- Decidia d'annullar igl contract cun la firma IBG Engineering SA an favour d'ena standardisaziun pertutgont la cumplettaziun digl sistem d'infurmaziun geologic (SIG/GIS) ainten la reit da distribuziun da Surses.
- Approvo igl contract d'en transferimaint da proprietad pertutgont la Veia Segantini a Savognin agl cumegn da Surses.
- Approvo igl sboz davart igl plan directiv regional «Campadis», cun risguardar midadas, per mangs dalla conferenza da mastrals dalla Regiun Alvra.
- Surdo l'incumbensa per diversas lavours complementaras e lavours da verificaziun digl catter da lengias digl cumegn da Surses agl biro d'inschignier e misiraziun Planisaziun Sonder a Salouf.

Ovras communalas incl. infrastruttura turistica, economia forestala

- Piglia cunaschientscha digl stand digl project "pumptrack" (pista circulara per velos da muntgona cun ondas ed oters elemaints) a Barnagn, Savognin, e decidia d'amplifitgier tal cun en "kidstrack" ed en sectour da "skate". Igl project ò da neir sottamess alla radunanza communal per l'approvaziun.

- Piglia cunaschientscha davart la planisaziun digl project flowtrail (veia per velos da muntogna) da Somtgant a Tignas.

Tinizong, igls 16-03-2021

Suprastanza communal Surses